

**PROSIDUR PELAKSANAAN DUTI EKSAIS BAGI MINUMAN BERGULA SEMASA TEMPOR**  
**PERALIHAN DARI 1 JULAI 2019 HINGGA 31 OGOS 2019**

1. Pengimportan dan pengilangan minuman bergula mulai 1 Julai 2019 tertakluk kepada Perintah Duti Eksais 2017. Produk minuman bergula yang kandungan gulanya di atas *threshold* yang ditetapkan dan sedia untuk diminum (*ready to drink*) akan dikenakan duti eksais. Produk minuman bergula yang tidak termasuk dalam kategori di atas diberi pengecualian di bawah Perintah Duti Eksais (Pengecualian)(Pindaan)(No. 2) 2019.
2. Pelepasan dagangan import bagi minuman bergula hendaklah diikrar dalam borang K1 sepertimana barangan import yang lain. Pengikraran Borang K1 bagi barang yang dikecualikan, keperluan kepada *lab report* adalah diwajibkan. Walau bagaimanapun, bagi tempoh 1 Julai 2019 hingga 31 Ogos 2019 pengimport diberi penangguhan daripada keperluan mengemukakan *lab report*. *Lab report* hendaklah dikemukakan dalam tempoh 30 hari dari tarikh pelepasan K1 tersebut. Di samping itu, pengimport juga dikehendaki membuat surat akujanji dan sekiranya kandungan *total sugars* melebihi nilai ambang atau *lab report* gagal dikemukakan, bayaran duti yang terlibat akan dibuat.
3. Pemindahan dari stesen import hanya dibenarkan ke gudang di bawah seksyen 65, Akta Kastam 1967 sahaja dengan menggunakan Borang Kastam No. 8. Kaedah pelepasan ke pasaran tempatan dari gudang di bawah seksyen 65, Akta Kastam 1967 adalah sepertimana di para 2.
4. Permohonan lesen di bawah seksyen 20 dan 25, Akta Eksais 1976 adalah tertakluk kepada suatu Jaminan Bank yang bersamaan dengan 15% daripada duti/cukai stok semasa pelesen. Walau bagaimanapun, keperluan Jaminan Bank ini ditangguhkan sehingga 30 September 2019. Semua permohonan lesen akan diberi kelulusan berkuatkuasa 1 Julai 2019 tertakluk kepada pembayaran fi lesen sebanyak RM200.00 setahun telah dijelaskan dan proses verifikasi ke atas dokumen dan maklumat akan dibuat kemudian. Sekiranya maklumat yang diberikan tidak betul, lesen boleh dibatalkan.
5. Pengikraran jualan tempatan oleh pengilang berlesen untuk produk berduti adalah menggunakan borang Eksais No. 7. Pengikraran adalah bagi tempoh satu (1) bulan kalendar. Pengikraran hendaklah dibuat tidak lewat daripada hari terakhir bulan berikutnya. Pengikraran Borang Eksais No. 7 ini hanya menggunakan satu (1) borang sahaja yang disertakan bersama lampiran yang mengandungi maklumat-maklumat penjualan bagi tempoh berkenaan. Contoh borang pengikraran barangan berduti adalah seperti di **Lampiran B1** beserta dengan senarai invois seperti di **Lampiran A1**.

6. Pengikraran bagi jualan tempatan untuk produk dikecualikan duti juga menggunakan borang Eksais No. 7 yang perlu diikrar seperti di para 5. Keperluan *lab report* untuk pengikraran melalui borang Eksais No. 7 adalah sama seperti di para 2. Contoh borang pengikraran produk dikecualikan adalah seperti di **Lampiran B2** beserta dengan senarai invoice seperti di **Lampiran A2**.
  
7. Pemindahan dari pengilang berlesen ke gudang di bawah seksyen 65, Akta Kastam 1967 atau seksyen 25, Akta Eksais 1976 sepatutnya menggunakan borang Eksais No.8. Walau bagaimanapun, bagi tempoh 1 Julai hingga 31 Ogos 2019, pengikraran borang Eksais No. 8 tersebut tidak diperlukan bagi setiap pemindahan konsaimen dan ianya memadai dengan penggunaan *Delivery Order* (Nota Penghantaran). Pengikraran borang Eksais No. 8 secara bulanan juga menggunakan kaedah yang sama seperti di para 5 dan 6 dan ianya perlu diikrar bagi tempoh satu (1) bulan kalendar tidak lewat daripada hari terakhir bulan berikutnya.

Ketua Pengarah Kastam Malaysia  
28 Jun 2019